

四庫全書

史部

欽定四庫全書

欽定平定臺灣紀畧卷二十四

七月初五日

庚午

上命軍機大臣傳諭常青李侍堯藍元枚崇大紀徐嗣  
曾曰偶閱通鑑輯覽見魏司馬懿破襄平一事懿以  
公孫淵使其將率步騎數萬屯遼隊圍塹二十餘里  
乃欲以老師攻之正墮其計且賊大衆在此其巢穴  
空虛若直至襄平可期必破遂多張旗幟出其南牽

綴敵勢潛濟師出其北直抵襄平遂大破之此乃兵  
家聲東擊西之法因思臺灣賊匪四處蔓延若紛紛  
堵禦處處剿賊則兵分勢單疲於應接轉恐不能得  
力若常青等於郡城外劄營處所派撥疑兵虛張聲  
勢佯與賊牽綴相持而該將軍統領精銳帶同侍衛  
章京將備或乘夜輕騎直趨南潭擒拏賊目莊大田  
使之猝不及備藍元枚亦派奮勉將備於鹿仔港亦  
虛張聲勢堵禦附近一帶屯聚賊匪而該叅贊率領

弁兵會同大甲溪義民熟番前搗大里杙賊巢如此  
乘虛進剿出其不意使賊匪倉皇失措首尾不能相  
顧衆夥自必驚疑潰散是亦搗穴擒渠之一策兵家  
虛實互用古人屢有出奇制勝以少擊衆者原不可  
不隨機應變以防株守力疲也著常青藍元枚查看  
情形如可相機進取竟即當照此辦理不可坐失事  
機以期迅速集事至柴大紀昨日奏到各摺係與普  
吉保在大埔林會商進攻聞有賊匪滋擾回城堵禦

之後拜發者賊匪雖經官兵剿殺為數無多及餘匪  
是否尚屯聚各處或仍遁往山窰仍潛出攻擾柴大  
紀並未詳晰奏及即前次該提督與普吉保會商各  
情節止據普吉保前摺聲敘亦未據柴大紀於摺內  
奏明且該提督於五月二十三日拜摺後距今又四  
十餘日自必與賊匪連次接仗藍元枚自會兵攻擊  
均著隨時加緊馳奏至未經調用之漳州有眷屬兵  
二千前經諭令李侍堯不必俟藍元枚回信即行派

往此項兵丁究於何時由蚶江配渡又粵省先調預  
備兵丁此時計已早抵廈門李侍堯於何時派撥配  
渡著該督即行具奏漳泉一帶現今缺雨田禾苗萎  
小民秋收失望恐米價更有增昂甚關緊要前因閩  
省需用米石已早降旨令浙江等省備辦起運著徐  
嗣曾再詳晰出示俾各屬通行曉諭市價不至踊貴  
方為妥善

臣等謹案行兵之道以少擊衆要在隨機應變先

發制人將軍常青等劄營城外賊匪仍敢時肆攻  
擾明係借此牽綴大軍遂得各處焚劫阻絕糧路  
其計狡黠我

皇上屢諭常青舍南趨北直搗賊巢茲復引司馬懿破  
襄平之事令常青統領精銳徑襲南潭監元枚會  
同義民熟番直趨大里杙南北並舉出其不意若  
首惡成擒餘黨自潰此真扼要爭奇之良策進取  
機宜早不出

聖明洞照之中惜將軍等各有牽掣未得遵辦故剿捕不免稍稽時日也

同日李世傑閔鶚元同奏言江蘇碾備之米已分作二起趕運所有四川省米二十萬石由長江來蘇計期當在江西撥米起運之後臣等惟有預督所屬將續到之船儘力截留並移會浙江撫臣琅玕一體截留以備運用俟川米一到臣等即派委員弁妥為照料尅日運送閩省交收斷不敢稍分



畛域致有謗悞

同日寶琳琅玕同奏言派調浙省駐防滿兵即飛咨署乍浦副都統舒楞額於滿營內挑選精壯兵

五百名揀協領等官十員帶領即日起程來省

臣

等隨於本日傳齊八旗滿兵會同逐加挑選共足一千名並派協領二員佐領四員防禦四員驍騎校十員分行管帶該兵等無不奮勇爭先告求前往及選派足數未經入挑者猶紛紛跪求情願

出力所有杭州滿兵一千名乍浦滿兵五百名

臣

等酌定以二百五十名為一起共分作六起間日

行走一切軍裝火藥鉛彈器械俱令裹帶足數糧

餉等項按數給發所需船隻

臣

琅玕當飭趕緊備

辦茲頭起官兵已於二十六日午刻起程

臣

等親

至江干督送其乍浦滿兵

臣

琅玕已派委嘉興府

知府鄭交泰馳往會同理事同知並派出領兵之

員照料護送來省以便接續起程計未起官兵起

程之前永慶自可到省倘不能如期趕上臣寶琳  
即先行督催前進俟永慶前途趕到接替再行回  
省至各兵經過水路各站臣琅玕已飛飭該府縣  
各於本境內地方照料妥辦並令在省司道帶同  
委員按起輪流彈壓護送其江山西安一帶陸路  
尤為緊要臣琅玕委令杭嘉湖道清泰會同金衢  
嚴道玉德在彼妥辦護送出境均可不致遲悞均  
奏入報

聞

初六日

辛未何裕城奏言碾運閩省米十五萬石當

經查明新城縣五福一路轉運惟恐溪河旱道挽  
運不速擬由江南海船分運一面咨詢一面趕碾  
米石並督飭將溪河水淺之處爬沙撈挖平治陡  
隘山路於五月二十六日將碾就之米開行往五  
福轉運嗣准兩江督臣李世傑來咨江蘇亦有協  
濟閩米由海道運往若江西載米到彼等候不免

欲速轉運今五福一路自設法料理以後行走較便臣與藩司李承鄴輪流親往督催並令各縣米船添僱絳夫加緊挽運旋准閩省咨會委道府佐雜在光澤縣接運五福運往之米以八萬石運赴廈門七萬石運赴泉州盤收令江西委員幫同照料茲各縣米石全數捱幫前進截至六月二十二日運至五福米三萬五千餘石挑送水口已交閩省委員接運現在早稻收穫正畢挑夫日募日多

轉運自必倍速奏入

上命軍機大臣傳諭李侍堯保寧閔鶚元何裕城曰江西五福一路運送米石既可致稽遲而江南海船又不敷裝運此項米石自應仍由江西陸路趕運該撫惟當督飭所屬上緊查催迅速僱運毋致再有遲緩至李世傑等前因江西米石應由江南海運業經預備船隻今江西之米既由該省陸路起運毋需江南海船前諭保寧將川米備辦二十萬石由川江運

至江南正需海船撥運現在江南預備分運江西米石船隻將來即當留為運送川米之用

初十日

乙亥

李侍堯奏言連日接臺灣同知吳元琪

等稟稱府城米糧向恃北路之蔴豆社笨港及南路之東港竹仔港等處沿海販運米石來府城濟用前月中蔴豆社笨港已被賊攻佔近日東港竹仔港又為賊匪張基光鄧里所據以致南北兩路無米到城而避難來郡者又多艱於覓食最為急

務海邊小船并有被賊押去者現在副將丁朝雄酌派官兵并挑義民四百用船四十餘隻在沿海一帶巡拏又據知府楊廷樺稟稱柴大紀在諸羅屢次打仗尚為奮勉近因分兵往救鹽水港等處兵力益單諸羅縣陳良翼現在稟請將軍派兵往援各等語看此情形臺灣賊匪更覺滋擾府城既有難民紛集自不得不暫為周恤適有續辦薯乾十萬斤將解鹿仔港臣隨飭派四萬斤分解府城並



札該道府設廠將薯乾和米煮賑善為撫恤毋致失所至臣所預調在泉廈彈壓之本省兵二千名內駐札廈門之一千名已於本月十三日隨常青之子侍衛希明放洋駐札泉州之一千名亦已催來於十五日放洋計此時俱已早到臺灣其兩廣督臣孫士毅遣來粵兵二千亦於十五六七八等日到廈今於二十四日一齊開駕查常青等與賊相持竟有不能分兵之勢此四千兵一到當先令

驅剿東港等處之賊使糧路疏通則府城人心先  
定即可相度事機大舉剿除再常青拏獲之番婦  
金娘及賊匪林紅王坑郎楊章四犯於六月初六  
日解到泉州臣當即委員起解赴京外茲又據駐  
劄北淡水之副將徐鼎士並同知徐夢麟拏解彭  
喜賴樹二犯前來彭喜原係澎湖守備因軍政革  
職從前署北淡水都司時即與林小文相識上年  
十一月赴淡水向林小文索討舊欠值賊匪肆擾

遂入賊黨在白石湖山教賊聚石在山擲打官兵  
因賊散被擒其賴樹一犯係從林小文糾約入會暨  
旗聚衆偽稱北路大將軍在新莊街抗拒官兵逃  
後被獲均屬罪大惡極應解刑部已於本月二十  
日委員將二犯解京奏入

上命軍機大臣傳諭常青李侍堯藍元枚崇大紀曰北  
路之蔴豆社笨港南路之東港竹仔港等處為府城  
販運糧米通衢今為賊匪佔踞以致南北兩路無米

到城避難民人艱於覓食不可不急為設法剿除前  
屢經諭令該將軍或舍南趨北直搗大里杙賊窩或  
酌添兵丁防守府城即帶領侍衛章京等直往南潭  
擒拏賊目莊大田該將軍接奉前旨未知作何籌辦  
定往何路進剿現在賊匪將南北兩路運米社港佔  
踞并押去海邊小船雖經副將丁朝雄等挑派官兵  
義民前往巡拏究恐不能痛加剿戮此時常青或與  
賊相持不能分身何不於鎮將內如蔡攀龍之奮勇

可恃者酌派一員令同侍衛章京二人帶領官兵  
竟往蘇豆社笨港等處先將佔踞社港賊匪悉力殲  
除俾道路肅清販運米糧不致阻隔仍飭該處副將  
丁朝雄等實力巡拏海邊船隻不使賊匪搶佔此為  
最要此等賊匪四處侵擾多係脅從其實賊首賊目  
不過數人該將軍若能將其渠魁擒獲其餘夥匪自  
可不攻而潰且賊首林爽文與其有名賊目各負一  
隅而分遣黨羽四出滋擾使官兵分路堵禦疲於應

接而賊匪轉得暇逸此乃賊人奸狡之計該將軍等不可為其所愚斷無賊匪東至則於東堵禦西至又於西堵禦以一兵抵禦一賊之理若徒事紛紛堵禦稽延一日則師老一日恐官兵日久力疲致有挫失更屬不成事體柴大紀處兵力亦單自應添兵助守但常青處現在正當相機進剿難以分兵往援且道路阻隔亦屬緩不濟急朕意藍元枚現駐鹿仔港距諸羅較近且該處現已添撥兵丁即日可到藍元枚

前奏差弁約會大甲溪義民熟番前往大里代之南  
合兵攻剿若聲勢不能連絡未經前往此時或令普  
吉保駐守鹿仔港該叅贊先帶兵數千前往諸羅幫助  
柴大紀更可保護無虞著監元枚相度情形隨宜酌  
辦務使柴大紀處不致稍有疎虞亦不可有顧彼失  
此之慮方為妥善至現在笨港蔴豆社等處有賊匪  
佔踞監元枚亦應派撥將弁帶兵前往該處奮力剿  
散打通糧路為要再李侍堯預備在泉廈之兵二千

已於六月十三十五等日配渡開洋粵省先到兵二千於二十四日一齊開駕此次添調官兵共計一萬一千名前已諭令李侍堯將九千名撥往常青軍前二千名派赴藍元枚處續據李侍堯奏預備漳州兵未經調用者二千名亦有旨令該督派往藍元枚處此項漳州兵究於何日配渡此外應撥藍元枚兵二千是否即將漳州兵抵數抑於前派一萬一千內再撥二千前赴鹿仔港並著李侍堯詳悉速行覆奏再



臺灣府本年應徵錢糧已有旨豁免至漳泉二府前據徐嗣曾奏春夏缺少雨澤恐至歉收且該處有過兵運糧等事亦因酌量加恩但此時已過徵收之期其業經完納者自未便給還且恐徒為州縣吏胥肥橐若尚有普行未徵李侍堯即可一面傳旨出示緩徵一面據實覆奏再彭喜係叅革守備膽敢從賊抗拒官兵實屬可惡著該督等即查明該犯家屬問擬緣坐至賴樹一犯據供受賊偽職與官兵相抗該二犯既經

從賊自有黨夥何以容易即被拏護將來解京審訊  
恐又如廖東等之狡供不認亦未可定並著李侍堯  
將彭喜賴樹如何被獲實情一并查明具奏

上又命軍機大臣傳諭保寧李世傑閔鶚元曰現在臺  
灣軍務尚未告竣一切兵食及平糶撫卹等事在在  
急需不妨多為儲備川省素為產米之區連歲收成  
豐稔積儲較裕著保寧再行採買米三十萬石如或  
市糧不敷採辦即於附近川江各縣常社倉內碾動

穀石以足三十萬之數接續運赴江南交李世傑等  
一併委員運往閩省以資接濟其碾動倉穀不妨暇  
時買補至此次運閩米數需用海船較多著傳諭李  
世傑閩鶚元將海船一項寬為預備俟前次川米二  
十萬石抵江起運後所有續辦米石一經運到江省  
即接續配船起運以期迅速抵閩毋悞要需

臣等謹案閩省軍糈民食屢經

宵旰運籌不待奏請早於浙江江南江西四川等省酌

撥七十餘萬石接濟嗣據督臣李侍堯奏儲備已屬寬餘我

皇上以現在添兵進剿凡鄉勇難民皆須支給撫卹並漳泉平糶所需尤在多多益善

特諭四川督臣李世傑再辦米三十萬石接續運往不特軍餉有餘而民食益形充裕

聖主軫念民依有加無已所以該省即收成稍歉而閭閻仍安堵宴如也

上又諭內閣曰李侍堯奏閩省現在軍務繁多武職人員不敷差委請揀發叅將二員遊擊三員都司四員守備六員速飭來閩以資差遣委署著留京辦事王大臣會同該部於候補候選及應陞人員內詳慎揀選具奏即令該員等輕騎減從迅速馳驛前往福建交與李侍堯差委

上又諭刑部堂官曰臺灣從賊逆匪廖東胡番二犯前審訊時堅稱並未從賊不吐實供因該犯語言不甚

明晰是以暫令解交刑部監禁著刑部堂官遴派該部司員中籍隸閩省通曉漳州語音者再行嚴加鞫訊務得該犯等實供毋任再有狡飭如刑部司員亦未能通曉該犯言語即傳侍衛蔡本禧會同派出之刑部司員嚴加詰訊據實具奏

十二日丁常青恒瑞同奏言十四日接據柴大紀等稟逆匪自蘇豆莊殺散以後復糾合大武隴哆囉囑各匪意欲攻踞鹽水港以絕縣城糧餉刻下

諸邑四處皆為賊匪把截惟鹽水港一路可通郡城必須保固現在安兵一千餘名撥遊擊楊起麟統領駐劄又撥千總陳邦材帶兵二百名駐防鹿仔草與鹽水港犄角初五初七等日連敗賊匪初九日探得賊匪攻鹿仔草隨派遊擊李隆帶領隊伍義民一千三百名前往夾攻行至竹仔腳大崙田洋該處離鹿仔草十餘里忽遇賊匪約八九千蜂擁而出隨飭兵丁施放鎗砲打裂大炮一門賊

人愈殺愈多四面逼近兵民奮力鏖戰自辰至未  
鎗砲斃賊約五六百人官兵義民亦多有損傷適  
遊擊邱能成巡哨回至該處鎗砲轟擊其後賊始  
退散收兵回縣查點兵民有百餘人尚未歸伍軍  
裝亦有遺失統容查明另報查賊勢猖獗駐縣之  
兵除撥駐鹽水港鹿仔草兩處餘兵只有一千五  
六百名已為單薄且義民亦分守鹽水港鹿仔草  
縣城空虛實為可慮乞發大兵三千名多帶鎗砲



速來諸羅以安累卵又據派往鹽水港之遊擊楊起麟稟稱同守備黃象新晝夜督兵固守茲聞笨港汎於本月初一日被賊攻陷焚燒各莊初十日又攻圍鹿仔草查鹿仔草離鹽水港只隔十數里於初五初七初九十一連日分路圍攻鹽水港楊起麟等竭力殺敗賊匪但鹽水港附近四圍莊社皆被賊陷惟存鹽水港一街之地兵力甚單兼以連日打伏藥鉛存剩無幾若差往諸羅運解路經

賊巢恐有疎虞請速撥兵一千名并火藥大小鉛子應用各等情查笨港鹽水港皆係諸羅至郡水陸要路今遊擊楊起麟稟內有笨港於初一日被賊攻陷之語何以柴大紀等並無文報恐係該遊擊得自聽聞未盡確實但細閱柴大紀等會稟派令遊擊李隆帶兵民尚未及與遊擊楊起麟會合夾攻已於中途竹仔脚等處遇賊交戰鎗砲斃賊雖多而兵民軍械俱有損失並慮縣城空虛專差

星夜間道告急自屬立等赴援臣等本欲於各港口酌撥兵四五百名同義民前往防禦今看此情形恐兵少於事無濟當即派令總兵魏大斌副將詹殿擢都司劉振唐守備姚國泰等帶兵一千五百名飭同知楊廷理脩齊船隻即於十五日黎明上船開行並令該總兵等探聽鹽水港如尚有賊圍擾即協力進攻如賊已退即竟赴諸羅與柴大紀商同堵剿即確查笨港有無失事迅速馳報如

笨港有失則府城往北海道賊人又將作梗而一切糧食貨物商賈難行殊有關係且鳳山之東港在鹿耳門之左已為賊佔諸羅之笨港在鹿耳門之右又為賊擾則現在鹿耳門一口尤宜加意嚴防臣等已派撥官兵防禦至鹽水港在諸羅之南府城之北距府城不過五六十里今賊衆圍攻鹽水港固意在諸羅而實即覬覦府城臣等現在營府城以南自初十日賊人敗退之後伏莽潛藏

至十三十五等日有賊千餘屢次來擾官兵迎擊  
即又奔逃臣等料其詭計希冀官軍大衆深入窮  
追迨去府既遠不惟妄想繞出官軍之後而鹽水  
港等處之賊自北趨郡必更肆無忌憚且鹿耳門一  
口左右有賊又當時時兼顧臣等再三籌畫現在  
營盤實有未可行動率行輕進之勢臣等前請添  
兵已咨會督臣孫士毅如潮州有挑脩之兵即先  
發二千名前來猶未據咨覆現已接據督臣李侍

堯來咨業將預先調到本省兵二千名飭帶領之  
叅遊等員由廈門配渡計日可到臣等惟有相機  
剿捕仍照料郡城南北兩面以及鹿耳門要口並  
知會藍元枚柴大紀等務於各該處用心防範再  
查臺灣海防同知楊廷理屢次帶領義民打仗現  
又隨營剿賊勇往向前又經臣常青前經奏明隨  
帶軍營之建寧府同知楊世綸該員曾在軍機司  
員行走隨臣等辦理一切要件俱能諳練勤慎奮

勉出力仰懇量加鼓勵奏入

上命軍機大臣傳諭常青李侍堯藍元枚柴大紀孫士  
毅曰閱常青等奏到之摺與李侍堯昨奏大畧相同惟  
蔴豆社柴大紀則稱殺散李侍堯則稱被賊踞不知  
何故不同又鹽水港在諸羅之南笨港在諸羅之北  
皆為運糧要路今俱有賊匪搶佔以絕糧餉諸羅勢  
甚迫急所關甚重看來賊人狡計竟係因大兵俱在  
府城諸羅一路兵單弱故作窺伺府城以牽綴官兵

使常青等不能遠離該處營盤而其意實欲斷我糧道攻逼諸羅縣城若諸羅有失則臺灣府城勢更孤懸四面受敵大有關係前曾有旨令常青等或舍南趨北直搗大里杙賊巢或竟往南潭擒拏賊目莊大田今看此情形該將軍等不必向南竟宜先往北路常青此時或於總兵副將內擇其奮勇可恃者酌撥一員令其守固營盤而常青等揀選精銳親自帶領同侍衛章京將備等數人直趨北路前至諸羅會同柴



大紀並力擒渠搗穴或再分派勁旅將鹽水港屯佔賊匪悉力殲除打通糧道此為上策藍元枚昨已有旨令即帶兵前往鹽水港剿殺賊匪後自南而北星赴諸羅接應柴大紀或能先將笨港一帶屯踞賊匪乘勢掃除更為妥善常青自駐劄府城未能進剿而現在營盤又未能移動豈有被賊牽綴株守坐視柴大紀受困之理今計粵先渡之兵四千早到若派勇幹大員在彼固守常青即領兵前往北路自可無他

慮而柴大紀處得此兩路兵力接應鹽水港笨港道路肅清米糧通運南北聲勢連絡人心自定似於進剿機宜極為得力著常青藍元枚酌量情形迅速籌辦斷不可坐失事機再用兵之道全在先聲奪人現在添調兵丁不為不多即日陸續前抵臺灣常青等不妨再行曉諭軍民以此次添調官兵之外現又有旨於廣東及福建本省添調兵數萬接續前進俾軍民等心膽益壯兵氣益為振作且使賊人聞之亦不

敢肆意鴟張此亦先聲後實之一法仍著李侍堯孫士毅廣為召募數萬多多益善以脩調遣再臺灣府城官兵糧餉火藥等項存貯甚多關係極為緊要常青於帶兵前往鹽水港等處進剿時除將戰守官兵應用糧餉火藥酌量散給隨身移帶外所餘糧餉火藥若仍貯積府城該處係編竹為城恐易生賊人窺伺之心不可不慮莫若竟將所餘糧餉火藥酌量留存以脩守城之用可不至短缺外其餘悉行攜帶隨行


即使府城萬一稍有不虞亦祇係空城賊人一無所  
獲亦不能久佔並著該將軍酌籌妥辦但此時該將  
軍等須密之又密只可暗為派撥不得稍露風聲使  
軍民聞之心中搖動轉多未便此為最要至鳳山之  
東港為賊佔踞於鹿耳門甚有關係現已據常青派  
撥官兵前往防禦但恐該處官兵未能分身尚不能  
殲除淨盡著李侍堯於內地總兵副將內奮勇者揀  
派一員帶兵一二千前往剿除佔踞東港賊匪打通

糧路更可得力又同知楊廷理屢次帶領義民打仗出力揚世綸隨營辦理一切要件頗為奮勉俱著賞戴花翎俟軍務告竣再行送部引見以示鼓勵再前次解到賊匪廖東胡番二犯因屢次訊供堅稱係被義民挾嫌誣害兵役誤拏而於從賊一節狡展不認曾降旨令該將軍等查明所供情節奏到再行辦理今思此等匪犯若非從賊為逆何致被拏豈可因其一時狡賴復往軍營查訊况正在剿捕賊匪之時若因

其狡展之詞又向兵民查訊恐兵民不無顧忌轉致  
遇有賊匪不敢輕拏大為未便除已降旨將該二犯  
即行正法外著常青等竟無須查訊此時不但兵丁  
等不須向其究問而義民等更不必再行傳訊以致  
心存顧忌轉使賊匪得以漏網

上又命軍機大臣傳諭保寧李世傑閔鶚元曰江省海  
口船隻業已多為預備無虞缺悞著再諭保寧將前  
次撥運米二十萬石及降旨復令續採買米三十萬

石務即上緊趕辦接續運至江省交李世傑等即行  
配船起運以期迅速抵閩毋悞要需



欽定平定臺灣紀畧卷二十四

欽定四庫全書

史部

欽定平定臺灣紀畧卷二十五至  
七

內閣中書臣沈鵬覆勘

武英殿纂修中書臣彭元琬



欽定四庫全書

欽定平定臺灣紀畧卷二十五

七月十三日

戊寅

常青恒瑞同奏言賊匪侵擾諸

羅之鹽水港等處

臣

等當派總兵魏大斌等帶

兵一千五百名應援詎南路賊匪聞知郡北一帶

有賊已分派官兵前往胆敢于十八日卯刻糾夥

約七八千圍繞大營三面又有賊三四千攻犯府

城小南門外桶盤棧營盤該道府協同副叅等員

弁在城守禦弁派撥兵民出戰

臣

等率同侍衛烏

什哈達等帶領滿漢官兵出營分路迎擊賊衆正

與桶盤棧營盤對陣烏什哈達等所帶官兵橫冲

賊隊奮勇爭先鎗砲齊發賊尚拚死抵敵官兵以

排鎗直壓賊始敗走追殺六七里俱向竹箐深密

處竄逸其大營三面之賊有章京岱森寶等七員

總兵梁朝桂副將蔡攀龍叅將特克什布等俱各

奮勇督戰大小砲排鎗弓箭施放得宜至午刻賊

人大敗共計鎗砲斃賊約三百餘人殺死數十人  
割獻首級耳記髮辮奪獲賊械二十餘件傷亡弁  
兵義民等分別駐冊照例賞卹<sub>臣</sub>等查此次打仗  
烏什哈達奮勇倍常岱森寶等帶隊勇往又副將  
官福調撥官兵曉暢軍旅深有機宜且晝夜勤慎  
實為營中出色之員在金川軍營已賞戴花翎其  
副將貴林臨陣打仗身先士卒以及同知楊廷理  
帶領義勇倡率有方該二員現在獎以花翎又外

委王國志亦能管帶義民打仗甚屬勤勉超補千  
總實缺並獎以藍翎至提兵魏大斌等自十五日  
帶兵由水道前赴諸羅鹽水港前已有官兵防禦  
今魏大斌帶兵前往諒必通知柴大紀但尚未據回  
報<sub>臣</sub>等已飛札藍元枚柴大紀即約會魏大斌協  
力剿賊固守諸羅迅速馳報

同日李侍堯奏言常青抄錄奏稿內稱現在鹿耳門尤宜  
嚴防等語則<sub>臣</sub>前所派繒船隻鎗兵二百名分駐兩處似尚

覺單薄今查水師提標總船各船已無可用鎭兵  
除調赴臺灣所餘有限臣隨飛飭海壇金門二鎮  
調取總船各一隻並向沿海各營湊撥鎭兵二  
百名照前分配每船一百名分往鹿耳門鹿仔港兩  
處協力防範如有賊船出擾即行截殺庶糧餉到  
彼不至疎虞至內地沿海各營額設戰船尤當預  
為整理無如因循日久船泊海邊不為隨時燂洗  
收拾多不適用其入廠修造者又不能上緊完工

目下惟有先就可用之船亟飭修整完固其在廠  
修造之船一併勒限嚴催迅速報竣庶為有備不  
至周章再本月二十八日蚶江通判陳惇稟稱有  
林源邁船自鹿仔港回至蚶江詢據稱藍元枚于  
六月十五日帶兵民往大肚溪剿賊義民涉水過  
溪與賊打仗互有傷殺又聞十六日牛罵頭各庄  
義民帶同熟番共數千人殺至大肚溪焚燒賊庄  
殺死賊匪甚多藍元枚亦撥兵前往接應等語查

藍元枚前奏有遣人往大甲等社聯絡番社之語  
今牛罵頭義民同熟番攻賊想即係藍元枚遣人  
糾約前採買色布色絹四千餘疋分行府城鹿仔  
港兩處今藍元枚聯絡番社正可得用擬再行酌  
買解往以脩接續應用至北淡水一路據副將徐  
鼎士等稟稱招撫難民俱已歸庄幸得時雨晚稻大  
半播種惟賊首吳沙盤踞三貂峙其地險尚在窟  
伏現在設法購線剿捕等語是北淡水一路尚屬

寧貼又閩省額兵除調往臺灣剿匪外所餘水陸各營兵丁實屬不敷應用不得不量為募補前接守備王天植造報缺額祇就現在府城各營而南北兩路無從查造者更當數倍若俟一一查到始行補額現在內地營伍殊覺空虛應先約畧募補以資差防而備緩急查水師提鎮協所轄各營及陸路提標興化長福省城福寧所轄各營均屬沿海要地應請照調往輪戍臺灣兵數無論是否傷



亡散失先挑補十分之三其汀邵延建各營挑補  
十分之二所有糧餉即按名支給俟剿賊匪事竣  
後統于傷亡散失截曠銀糧補款約畧計筭亦足  
敷歸補如此則兵餉不致多糜而現在內地海疆  
得添募新兵及時操練可以資守禦而裕巡防再  
閩省各營烏鎗自乾隆四十二年起赴臺班兵及  
巡洋弁兵沉失八百八桿並有年久鎗筒澆薄膛  
口寬大火機火門銷蝕不堪適用者共六千四百

六十八桿經前督臣雅德莅任後查明即散飭各營修造惟督標業經造補外其餘各營因公費逐年支用無存至今尚未補造現在各營節次調兵前往臺灣剿匪所有堪用之鳥鎗多已帶往其存營者半屬不堪設或需用貽悞匪淺查各營鳥鎗沉失損壞七千餘桿之多又延十年之久竟不補造理合據實叅奏將歷任之提鎮將脩交部分別嚴加議處仍着落賠補但俟追出銀兩後始行製

辦又致稽延時日應請先行動項上緊修造所有  
動用銀兩容查明各該員在任久暫鎔數多寡分  
別追賠至臺匪滋事後所有軍前節次遺失之烏  
鎔約有二三千桿亦請先行動項製造將來仍于  
各該營公費內樽節辦理陸續歸款均奏入

上命軍機大臣傳諭常青李侍堯藍元枚柴大紀曰南  
路賊匪將官兵牽綴意欲攻掠府城狡黠顯然雖經  
常青等率領官兵分路剿殺僅斃賊三百餘人不為

快意是常青等在府城外結營株守無益竟當遵照  
前旨酌量留將脩守城直趨北路會合攻剿為是至  
藍元枚處糾集義民熟番會合夾攻較為得手若令  
普吉保留兵固守鹿仔港自可無虞該叅贊竟率領  
官兵將笨港鹽水港等處屯佔賊匪次第殲除廓清  
道路由北而南前赴諸羅接應柴大紀合兵一處似  
於冲堅掃穴機宜更為得力惟是南路賊匪四處屯  
聚現在將軍叅贊俱在一處府城外所立營盤自屬

寬濶若常青帶領官兵前往北路兵力較分營盤寬  
廠照應不易常青應於起身時先將營盤酌量收小以  
便隨時堵禦可保無虞然此皆朕於數千里外思慮  
所及隨宜指示用兵機要倏忽變換其是否可以如  
此辦理之處惟在該將軍等悉心籌畫隨機應變不  
必過於拘泥節次諭令常青等曉諭附從賊匪民人  
令其投誠歸伍各安耕種但恐該民人等未能盡加  
曉諭常青等竟當刊刻騰黃令各處遍貼或射入賊

巢通行曉諭則從賊民人自當紛紛投出不但賊黨  
可以解散且使賊衆彼此自相猜疑生心內潰實屬  
不戰可勝之良策常青藍元枚即當妥速辦理一面  
仍奮勉攻擊不可坐視又據李侍堯奏酌補營兵一  
摺所辦未免拘泥前已屢經有旨令該督廣行召募  
不必拘定額數如恐經費不敷即行奏請再行撥解  
應用現在正須多兵接應之時內地亦當操防備用  
如果募得多兵既可備撥軍營以助聲勢即內地巡

防調撥亦為寬裕着李侍堯即廣行添募毋庸拘定  
原額並着常青藍元枚各就臺灣處所一體迅速召  
募

上又命軍機大臣傳諭李侍堯曰昨因東港笨港俱為  
賊佔踞滋擾恐常青派撥官兵前往防禦不能殲除  
淨盡已有旨令李侍堯于內地提兵副將內派撥一  
員剿散賊匪以防梗阻糧路又預備調遣之兵不妨  
多多益善特降旨令李侍堯孫士毅各行廣為召募

以資差防今該督俱能先事籌及可嘉之至烏鎬為  
行軍利器遇有沉失自應隨時補造何以各營損壞  
至七千餘桿之多又延至十年之久竟不趕緊修理  
祇可免其議處若不令其賠補不足以示懲儆著李  
侍堯即行查明歷任提鎮年分之久暫損失之多寡  
除黃仕簡任承恩自應著落賠補外其餘各員應如  
何分別賠補之處酌擬開單呈覽該督即先動項勒  
限趕造以資應用俟分別著落賠補再行歸款以期



無悞要需

上又命軍機大臣傳諭李世傑舒常姜晟何裕城曰前據何裕城奏江西運閩米石俱由新城縣五福地方行走現在自己陸續起運所有該處山路及一切事宜想已辦有章程此次湖北所碾米石亦由江西運赴閩省不過照該督成式料理自屬便易著何裕城即將江西米石于何時可以運竣其湖北米石接續由該省運閩道路便捷之處一面酌定一面飛咨舒

常令其速將碾就米石分起撥運由江西五福一路前進不可似前次推諉以致遲延如江西實有碍難辦理之處一面飛即知會舒常等令其將米石裝載撥船由水路運往江南交李世傑等由上海出口運往閩省但前經先後降旨令保寧預脩米五十萬石陸續由川江載赴江南脩船運閩為數較多恐江蘇船隻驟難添催轉恐有誤要需莫若即由五福早運為是

上又諭內閣曰柴大紀自剿捕逆匪以來督率官兵義民奮勇殺賊一切調度深合機宜着授為叅贊協同將軍常青等悉心籌辦以期迅奏膚功

上又諭內閣曰據舒常姜晟奏湖北省早稻豐收秋成可卜大有現在動支倉穀二十萬碾米一十萬石遴委妥員分作四起由江西一路運往閩省以濟軍儲舒常並往湖南與浦霖酌議動穀碾米運閩以資備用等語現在臺灣剿捕逆匪尚未蒞事一切軍糧及

撫卹平糶等事所需糧石較多不妨寬為預脩該督等能不分畛域先事預籌殊屬急公舒常姜晟俱著交部議叙

上又諭內閣曰臺灣現在剿捕賊匪尚未竣事所有軍需一切費用繁多着戶部于附近隣省內酌撥銀一百萬兩令該督撫等派員解赴閩省交與該督等仍存貯備用

十四日

己卯

寶琳琅玕同奏言杭州滿兵第二三四

起已於六月二十八七月初一初三等日先後全  
行起程所有乍浦兵五百名並領兵協領等官十  
員於初四初六先後到齊江寧將軍臣永慶亦於  
初四日抵省公同驗看乍浦滿營所挑兵俱年力  
精壯漢仗去得應需軍裝器械火藥鉛彈亦俱備  
帶齊全臣等照前一體料理於初五初七分為二  
起接續起程永慶隨即趕赴前途先後照料督催  
前進水陸程途一切船隻口糧夫馬等項先經臣

琅玕派員會同該道府預備齊全現仍委令司道  
分起護送可以迅速進行不致稍有遲滯奏入報

聞

十五日庚辰藍元枚奏言現在鹿仔港四面受敵而

賊匪恃衆負嵎屢來侵擾本月初五日賊匪數千  
來犯二林莊十一日賊匪數千分路來犯埤頭茄  
冬溝等莊見官兵義民趕到應援隨即散去如此  
出沒無常防備恐難週密又彰化淡水交界之大

甲溪岸裡社係在大里杙之北現亦被賊攻擾若  
彼處一失賊匪便可長驅直至竹塹斷絕上游糧  
道臣派護遊擊潘國材等帶陸路提標并延平等  
營兵六百名由海道前去堵禦并飭副將徐鼎士  
酌撥官兵協同守禦兼牽綴賊勢以為諸羅聲援  
臣等統計兵力除不服水土患病各兵外僅敷堵  
禦應援而諸羅府城道路阻隔若賊匪四面來侵  
必須分路痛加追殺兵力未免不敷况鹿仔港最

為要地尤當計出萬全懇再調福建兵二千名廣東兵三千名前來鹿仔港以備勦捕又探聞自五月初七日起賊匪陸續焚搶諸羅縣屬沿海之安溪寮龍船窩鉄線橋等莊計二十餘里以致諸羅彰化道路阻隔又聞六月初九初十等日賊匪專攻諸羅屬之鹿仔草莊查鹿仔港至斗六門六十餘里至諸羅九十餘里沿途皆有賊匪屯聚又兼東螺溪西螺溪一帶水漲進勦官兵未能直達臣是以



親率官兵由鹿仔厝及中寮二路攻殺大肚王田  
等賊莊鎗砲打死賊匪約五六十人官兵俱無傷  
損惟鄉勇淹斃二名被傷八名業經臣酌量賞恤  
偵探諸羅賊匪於十七十八等日陸續趕回保守  
大肚溪諒此時諸羅賊勢自應減少臣現在整頓  
兵力一面遣人由海道持札密商柴大紀定有日  
期臣即親帶官兵由東螺西螺土庫等處攻殺至  
斗六門會勦賊匪再臣接據鎮臣普吉保報先奉

將軍常青調令帶兵一千名前赴諸羅大埔林地  
方與鎮臣柴大紀訂期會攻斗六門賊匪因到彼  
探聞賊首林爽文已回彰化又據鹿仔港營盤副  
將林天洛護叅將馬元勲等具稟賊匪數萬分路  
圍攻鹿仔港馬鳴山營盤及埔心庄官兵分路迎敵施  
放鎗砲打死賊匪甚多奪獲砲位刀鎗等件有福協  
左軍千總林孝龍把總陳鎬帶兵追趕不意賊匪埋伏  
溝內突然擁出衝擊隊伍各官兵禦敵至殺退賊匪查

明陣亡兵丁七名失去行營砲二位鳥鎗四桿腰刀七  
口賊勢甚為洶湧續又據副將林天洛稟報五月初一  
日賊匪復出肆擾官兵奮力堵殺鎗砲傷斃賊匪甚多并  
奪獲鞭砲鑪鉤長鎗竹鉶生獲犯王力廖應魁邱永  
押交彰化縣審訊等情普吉保隨撤兵兼程於五月  
初六日回港臣查普吉保撤兵仍回鹿仔港業經請將  
軍臣常青核奏是以臣前次摺內未經附奏王力  
等三犯先據彰化縣知縣宋學灝詳報王力一名刀傷深

重審明後即經病故其邱永廖應魁二犯經臣覆訊正法

再查淡水彰化交界之大甲溪一帶閩粵居民雜處間

有賊匪潛匿其間以致各懷疑心彼此燒毀莊社又彰化縣

城及附城莊社係民賊互相燒毀現在房屋無以致泉民多逃出

鹿仔港漳民多被賊押入山內水沙連并大里杙等莊

社是以鹿仔港現有民人十餘萬人大里杙水沙連等

社賊巢內亦有民人十餘萬人因衣食缺乏多有從賊入

夥者是以賊勢愈形猖獗今賊匪守禦隘音信隔斷臣細

詢將弁竟不能知賊巢虛實現在嚴禁民人不許鬪殺  
焚搶并遣妥人乘小舟由海到大里杙等社偵探賊巢虛  
實并攜帶告示諄諄曉諭如民人已經從賊打仗罪無  
可貸若係良善未經從賊者務速歸莊乘時耕種至林  
爽文藉大里杙東係高山西向大海南北俱是大溪阻隔  
水沙連一帶又是高山險峻得以鳩集夥黨苟延殘喘臣  
現在相度機宜設法勦捕斷不敢效任承恩等觀望遷  
延亦不敢冒昧輕率務計萬全迅速勦滅匪黨奏入

上命軍機大臣傳諭常青李侍堯藍元枚柴大紀孫士毅曰前  
已有旨令李侍堯將添調兵一萬一千名內撥粵兵二千名與  
藍元枚又據李侍堯奏預備漳州有眷屬兵二千亦有旨  
令該督派赴鹿仔港藍元枚此次發摺時想尚未接到前旨  
其閩粵兵四千此時自己陸續前抵鹿仔港今該叅贊既請  
添兵五千著孫士毅再於廣東挑撥兵一千名速赴閩省並  
著李侍堯即於漳泉等處速行召募兵一千接濟調撥  
合之前調粵省應撥鹿仔港兵二千及漳州兵二千已共

有六千名李侍堯酌量情形如現在添調兵丁一千  
先到廈門即將粵兵先行撥赴藍元枚處若漳泉召  
募之兵於粵兵未到之前業經召募齊集即將募兵  
一千撥往鹿仔港應用以足所請添兵五千之數其  
餘一千著李侍堯即由五虎門配渡竟赴淡水接濟  
徐鼎士所有此次續調粵省兵一千並著孫士毅妥  
協派撥愈速愈妙再據藍元枚奏稱鹿仔港四面皆  
有賊衆滋擾而彰化淡水交界大甲溪等處又有賊

屯聚昨常青又奏賊衆在桶盤棧等處圍繞大營實有不能移動之勢看來賊匪南北四出擾攘意在牽綴官兵而常青藍元枚等墮其術中竟有應接不暇之勢用兵之道合則勢盛分則勢弱今賊首林爽文賊目莊大田等明知重兵俱在常青藍元枚兩處而林爽文牽綴北路莊大田牽綴南路使我兵分投堵禦奔走不暇賊匪得以乘間蹈隙將南北兩路緊要各港社隘口任意搶佔賊勢轉得聯絡狡計顯然乃



常青等為其所愚止知結營自守分兵防備遇賊匪  
擊東應東擊西應西譬之奕棋使賊人着着佔先通  
聯一氣而官兵止辦接應並無制勝之策轉致疲於  
抵禦何時方可竣事該將軍等自當統領大兵帶同  
侍衛章京將備等舍南趨北與柴大紀會合藍元枚  
亦應令普吉保留守鹿仔港該叅贊即帶兵由北路  
而南前往諸羅與常青柴大紀會合一處使我官兵  
聲勢聯絡軍威壯盛其間阻隔屯聚賊衆即可順便

乘勢勦殺使南北道路相通偵探林爽文現在何處  
即以大兵全力前往搜捕但能將渠魁擒獲則其餘  
賊目如莊大田陳泮吳領等自無難迎刃而解勢成  
破竹即使林爽文窮蹙竄入內山而賊目匪夥失其  
首逆勢必紛紛奔潰彼時我兵將賊黨痛加勦洗乘  
此得勝兵威再向生番令其獻出想逆首林爽文即  
有翼亦難遁也此乃擒渠制勝之策該將軍等當勉  
力相機籌辦不可坐失事機前此黃仕簡任承恩即

以因循觀望以致老師糜餉今常青等亦不免為賊牽綴止知自守即與以百萬之師而零星派撥處處分防抵禦亦總不能得力斷不可不急思變計改圖以期出奇制勝況現在添調各兵俱係生力正當乘此新到銳氣及鋒而用若再因循又致疲弱仍與不添無異至常青等如帶官兵前往北路應遵前旨將營盤酌量收小妥設防卡便於照應更可期保固無虞又節次降旨令常青藍元枚各就近

廣為召募毋論從賊與否一經應募投到即令食糧充伍此固為增添兵力解散賊黨之計但賊匪狡獪異常其自行投到者不可不留心防備其中如有家屬尚在內地及隨營打仗一二次察其情形實能出力者方可信用若乍行投到當擇素能管束兵丁之將備令其統轄或分隸各營令官兵箝束庶可免肘腋之患此為最要至北淡水一路現既有賊匪滋擾藍元枚應飭令副將徐鼎士加意堵禦奮力勦殺毋

致稍有疎虞又據藍元枚奏前次賊匪攻擾埔心莊  
時有千總林孝龍把總陳鎬帶兵追趕被賊匪埋伏  
溝內突出衝擊經官兵殺退等語其林孝龍陳鎬二  
人是否回營抑係陣亡摺內未經叙明並著查明具  
奏現在沿海口岸俱有賊船潛伏內地解往臺灣等  
處糧米餉銀火藥鉛彈等項著李侍堯嚴飭文武員  
弁加意小心防範方為妥善再該叅贊所請添兵五  
千名現已有旨如數發往但到彼尚需時日此時豈

有株守坐待之理今藍元枚約會柴大紀訂期親帶官兵直趨斗六門奮力攻勦此舉畧見奮勇自應如此辦理

臣等謹按賊匪蟻聚蜂屯俱係脅從非盡能打仗故一經官兵鎗砲無不奔潰因不能窮追進逼使賊散而復聚仍敢四出滋擾以為牽綴之計將軍臣常青等僅能堵禦應接不暇實墮其術中我

皇上洞燭情形諭以擒渠制勝之策不啻至再至三茲

以藍元枚有與柴大紀訂期合攻之語復又傳

諭常青徑赴諸羅會齊進勦兵合則勢盛賊匪自無難  
悉力殲滅

聖明屢示機要惜在事諸臣尚力有未逮也

十六日 辛巳

上命軍機大臣傳諭李侍堯曰昨據藍元枚奏鹿仔港  
之二林埤頭等莊及彰化淡水交界處所據有賊匪  
攻擾已諭令該督在漳泉募兵一千名並令孫士毅

再撥粵兵一千先儘五千名撥赴藍元枚處接應其餘一千名即令該督徑由五虎門配渡撥赴淡水以助徐鼎士防守之用李侍堯務須妥速召募即行分撥至粵省及彰州兵應撥往藍元枚者該督究於何時先後配渡未據奏及著即將何日可抵鹿仔港之處迅速覆奏鹽水港笨港蔴豆社等處為米糧販運通衢今被賊匪搶佔且押去海邊小船又將在海口一帶滋擾所關甚重已節次諭令常青等務將各港



社宅佔賊匪迅速勦殺打通道路為要今披閱臺灣全圖澎湖一處正與笨港鹽水港鹿仔草等處相對且相距不遠俱有港口可通現在常青藍元枚兩處酌辦勦賊無暇前往各港社痛加勦殺雖據常青柴大紀各派官兵前往攻勦恐不能得力今澎湖既相距甚近該處原駐有官兵李侍堯自應飭令駐劄澎湖將弁帶兵就近配渡前往鹿仔草笨港鹽水港一帶接應會攻如澎湖駐守兵丁為數不多該督亦應

於內地押撥官兵由澎湖前往協勦庶内外夾攻此  
踞各港社賊匪自可迅速勦殺肅清道路使官兵聲  
勢聯絡於勦捕機宜方為有益況賊既佔踞沿海各  
港社保無滋擾澎湖之事亦應預為籌備常李侍  
堯藍元枚等總未言及今因觀圖甚為屢念著傳諭  
李侍堯並將圖發交閱看酌籌妥辦迅速覆奏

欽定平定臺灣紀畧卷二十五

欽定四庫全書

欽定平定臺灣紀略卷二十六

七月十七日任孫士毅奏言粵省先調兵丁二千名已於六月中旬陸續抵廈此時應已全數到臺至續調二千名內督標及增城惠來營一千名七月初五六等日即可出境右翼鎮標一千名距潮較遠七月二十日外亦可點送赴閩所有現在添調二千名因計期稍後臣尤加緊飛調並於營分

略近者量為抽撥足數計程月抄月初亦可由黃岡出境一切軍裝器械及鉛彈火藥並裹帶一切口糧臣前此恐閩省軍營續有徵調俱預為密飭部署一俟檄調文到各該營均可即日起程左翼鎮李化龍曾經出師金川派委統領其餘帶兵將弁俱挑選諳練勇往並有曾經打仗者至駐防兵一千五百名想日内存泰博清額會同圖薩布挑選停妥不日即可啟行臣仍一面星飛咨會一面

派員馳往前途彈壓到潮毋許稍有滋事再近年  
外洋商船均係以貨易貨其新到洋錢比前較少  
愚民無知竟與紋銀一樣行使是以市價稍昂現  
在軍營需用孔亟自未便較論成色多寡致有遲  
悞經撫臣在省迅速趕辦得有數萬兩先行起解  
因思上年清查倉穀案內有潮屬州縣徵出穀價  
銀二十餘萬兩提貯藩庫內洋錢居多現與撫臣札  
商將此項洋錢湊足四十萬兩委員分起解送赴

閩即可應用無悞奏入

上命軍機大臣傳諭孫士毅曰孫士毅添派征兵催趲赴臺所辦甚為迅速實屬可嘉昨又降旨令於粵東挑撥兵一千名速行派赴閩省應用該督務須妥協派往愈速愈妙及據稱撥銀易換洋錢通融如數撥解所辦亦屬妥協至孫士毅現在駐劄潮州且因照料官兵出境馳赴黃岡該處與閩省較近聲息相通現在臺灣勦賊情形該督自必有所聞知並著得有

何信即行隨時速奏

十八日癸李侍堯奏言閩兵二千名於前月十九  
二十等日俱到臺郡粵兵先來之二千於前月二  
十四五等日放洋計目下應亦到齊至分兵二千  
前往藍元枚軍前之處若論道里則浙省滿兵到  
泉州即可由蚶江配渡但該提督係漢人叅贊而  
永慶係滿洲將軍同在一處恐不得臂指相使之  
用臣擬令永慶帶滿兵赴常青處俟粵兵來時分

撥二千往鹿仔港似覺兩處俱呼應得靈較為有益惟是該提督昨寄來摺稿亦有請添閩粵兵五千之奏今增兵二千似尚不敷所請之數臣前奏明漳州鎮兵獨未調用因札詢該提督去後茲於本月初四日接據札稱漳鎮兵內平和漳浦二營難保無會匪在內其詔安雲霄二營兵最為勇健得用鎮標中右二營及城守同安二營亦俱可得力保無他虞倘得此等兵五千不獨可以禦賊即相



機進勦似亦不難等語該提督係本地人自必確有所見是以臣即照伊所指營分咨會常泰并密令挑取有家眷之兵二千名尅日前往以資應用查南路賊匪既多若俟常青由南而北正需時日今該提督增此閩粵兵四千不必俟常青南來會合即可進勦賊巢庶勦滅逆匪較得迅速再逆匪林爽文之母自縊及其父搬入內山之信五月初間據同知楊紹裘稟曾有此語并謂係三月中事

臣隨訪之內地文武各官則稱二月初間已有此傳聞是此信恐未必確是以臣未敢率行入告但今賊勢日益蔓延則無論此事未真即果屬實而該匪行同梟獍其父母已不足繫其心惟有解散其黨羽痛殲渠魁始可歲事至於江浙數省撥運米石之外又令川省撥米二十萬石前來接濟尤屬臣等意計所不到現在漳泉一帶天氣久晴晚禾尚未栽插將來必需平糶川米到時正資應用

臣現在先行傳播非惟人心俱有所恃而山陬海  
澨得聞此信無不感戴

聖主顧復之恩再臺地向無馬匹歷來駐班官員各自  
帶馬一二匹載往以資乘騎緣海船艙底甚深馬  
匹不能上下僅可於篷板底每船附載三四匹一  
遇風浪尚多驚跳不寧是以載往甚難所有節次  
調往征兵非特綠營馬兵俱屬步行即恒瑞帶往  
滿兵亦照軍需例折給此次增調浙粵二省駐防

滿兵應亦照此辦理惟滿漢官員似不可無馬昨據粵省領兵之總兵梁朝桂等咨請兩廣督臣酌撥馬數十匹以資將備乘騎現准孫士毅分解前來今又增調多兵則將備需用又多應請滿漢各員三品以上准帶馬二匹五品以上准帶馬一匹其驍騎校千總以下概不准帶馬以省裝運之艱奏入

上命軍機大臣傳諭常青李侍堯藍元枚柴大紀曰常

青處已節次指示機宜諭令舍南趨北今又有續到  
閩粵兵四千名兵力更為厚集正當及鋒而用若分  
投堵禦零星打仗何日始能進剿且綠營怯懦習氣  
動稱賊有萬餘及數十萬試思賊匪雖到處逼脅亦  
不過臺灣地方一處民人況又未必盡皆從賊又何  
至各處賊匪動有數萬果如此之多又何所得食  
豈賊人亦有錢糧散給之耶此乃事理之顯而易見  
者該將軍等豈可坐待株守以一兵禦一賊之理藍

元枚處現在已據李侍堯派撥漳州兵二千其續調  
粵省兵二千亦當陸續前赴鹿仔港該叅贊亦當令  
普吉保留守鹿仔港親自領兵由北而南與常青柴  
大紀會合一處使我兵聲勢聯絡軍威壯盛不可徒  
為賊所牽綴以致師老力疲坐失事機再據李侍堯  
奏賊勢日益蔓延必須南北並舉以期軍務早竣此  
等賊匪不過烏合之衆總因官兵與賊相持曠日持  
久轉與賊人以暇以致處處牽掣我兵若辦理得其

要領賊匪焉能日聚日多肆行屯聚且該督稱賊匪蔓延之語亦係綠營恇怯訛傳從何而得所指何處並著李侍堯據實覆奏

同日何裕城奏言准福建撫臣徐嗣曾札稱臺灣軍營需用火藥雖已於浙江廣東二省調撥協濟但有續調官兵必須寬為籌備江西省是否現有存貯火藥堪以撥濟等因查軍營火藥甚關緊要臣已在各營額備火藥內酌提六萬觔裝貯完固

臣詣局點驗派委員弁領解即於七月初十日自  
省城接續起程由陸路入閩省之崇安縣解送前  
進一面札覆徐嗣曾并飛咨閩浙總督臣李侍堯  
派員接收交局應用奏入報

聞

二十日配常青恒瑞同奏言據現駐鹽水港之遊  
擊楊起麟稟稱十七日魏大斌等帶兵至鹽水港  
因鹽水港兵單留都司羅光焰帶兵五百名在港



防禦魏大斌即帶兵前往諸羅一帶勦捕又據魏大斌來稟領兵于十七日到鹽水港賊匪暫退即到鹿仔草創營于十八日同副將詹殿擢遊擊邱能成武舉陳宗器等帶領官兵義民至埔心大崙等庄與賊打仗自己至末鎗砲打死賊匪不計其數詎料四面賊庄羣起蜂擁竟有萬餘將前後隊官兵圍住官兵施放連環鎗砲奮勇抵敵至申刻殺出重圍收回鹿仔草營盤乞迅撥員弁領兵赴

援會勦是日陣亡把總麥逢春武成烈劉聯陞額  
外外委包定邦四員兵丁六十六名受傷遊擊邱  
能成守備蔡國忠二員兵丁十一名未知存亡千  
總黃殿臣把總陳世棟陳彪三員兵丁二百二十  
一名陣亡義民四名各等情查鹿仔草距諸羅二  
十五里該鎮等自應預先通知柴大紀內外應合  
則攻打較易何至多損弁兵而軍火器械又未聲  
明料所失亦復不少但柴大紀等自初十日會稟

請援之後至今尚無文報則現在賊勢充斥阻隔  
音信自屬實情急需添兵前往臣等當派撥遊擊  
田藍玉帶兵一千名即于二十六日仍由水道飛  
赴鹿仔草隨魏大斌併力攻勦速達諸羅統聽柴  
大紀調遣再六月二十一日據叅將瑚圖里都司  
邵振綱稟二十日自山猪毛帶兵六百餘名廣東  
義民一千四百餘名由小路翻山至南潭攻勦賊  
匪臨時懇求接應等語臣等於二十二日黎明派

令革職叅將那穆素里前往哨探復派令翼長烏  
什哈達都司杭富叅將特克什布帶兵五百名前  
至二層瀘山脚下接應約至已刻那穆素里回報  
叅將瑚圖里都司邵振綱甫經下山賊匪四出烏  
什哈達等將隊伍排開賊匪見有官兵接應登即  
退去叅將瑚圖里都司邵振綱見賊懼退趨勢帶  
同官兵義民向前追趕廣東義民奮勇爭先現擒  
獲賊匪陳順等五名臣等查山猪毛汎與廣東庄

相連賊人數次侵犯俱被官兵義民殺退又官兵  
前經被困數月並無糧餉俱係廣東義民助糧接  
濟實屬義勇可嘉隨面加獎勵酌賞六品頂帶貢  
監生員周敦紀等九人八品頂帶民人曾秀等十  
三人又每名賞銀二兩者九十名賞銀一兩者一  
千二百八十二名仍照土兵例給與口糧鹽菜其  
珣圖里邵振綱所帶兵亦准分別補給糧餉鹽菜  
以示鼓勵至山猪毛汛現有把總葉琪英帶兵五

百餘名同義民防守奏入

上命軍機大臣傳諭常青李侍堯藍元枚柴大紀曰據  
常青恒瑞奏加派官兵應援諸羅一摺所辦著著皆  
錯瑚圖里等前因鳳山失事被賊攔截在山猪毛駐  
守數月幸而賊匪無能不致將山猪毛搶佔該將軍  
等因中間道路阻隔無從知彼處信息以致日久並  
未遣兵救援今瑚圖里既于六月二十日從山猪毛  
小路翻山進攻南潭聲勢可得聯絡自屬極好機會

該將軍等一得稟報即應親統大兵直往南潭一帶合力夾攻則賊目莊大田可期就獲南路即可乘勢肅清即使常青恒瑞不能一同前往亦應酌留一人駐守營盤或常青或恒瑞帶領侍衛章京將備等親身統領以大力多兵直趨南潭奮力攻擊方合機宜伊二人又有何不能分往處縱使伊二人俱難以分身亦應于鎮將中如蔡攀龍之奮勇可恃者多派官兵令其帶往勦捕乃常青等計不出此僅派那穆素

里烏什哈達等帶兵五百名接應於事何益且官兵前在山猪毛被困數月既全藉廣東庄義民助糧接濟此次瑚圖里等回至大營其廣東義民自應令其留守本庄自為捍衛乃竟帶同來至大營伊等之意不過為添此千餘義民可以稍添兵力但山猪毛仍須留兵防守又豈若令義民在彼自為守禦之得力也今將伊等帶回大營令其隨營征勦該義民等既繫戀室家心懸兩地不能得力且使賊匪聞知詎義



民等隨營助勦必心懷忿恨將其村庄焚燬家屬殺戮義民轉致受累灰心似此措置乖張豈用兵之道且常青等統兵往北路進勦到處俱有義民協助若見廣東營之義民投營出力轉致家屬房產被賊摧殘是隨同官兵打仗止有吃虧于彼無益不但不能招徠鼓舞轉使義民等望而生畏豈非驅之從賊所關匪細觀之實生憤懣著常青等即傳旨將現在山猪毛義民俱令速回本庄自行守護家屬田產並曉

諭義民等現奉諭旨以此事係該將軍等辦理錯悞  
特令義民仍回本處自為守禦或仍令瑚圖里親自  
帶領義民等回至山猪毛並酌添兵護送以安其心  
而資守禦常青等前赴北路時遇有義民投到者皆  
應令其各在本庄自行防禦如有賊匪侵擾即悉力  
堵剿以助官兵聲勢庶義民等無所瞻顧踴躍從事  
招徠更易此為最要至柴大紀現在諸羅被賊匪糾  
合夥黨攻踞鹽水港四處斷絕糧道又請添兵救援

常青等即應領將備親身速統大兵前往接應乘我  
兵全力打通道路前赴諸羅會合柴大紀方為得力  
乃僅派魏大斌等帶兵一千五百名已不足以資勦  
殺而魏大斌又不曉事復留兵五百名防守鹽水港  
止帶兵千名前往諸羅以致兵力益單遇賊擁至不  
能抵敵勦殺收回鹿仔草營盤仍不能前抵諸羅且  
官兵義民多有受傷陣亡者既徒損兵力及魏大斌  
請援常青等又止派遊擊田藍玉帶兵一千名赴鹿

仔草援應似此零星派撥何濟於事而伊等在府城  
又何曾殺戮多賊能進尺寸之地哉且常青等見魏  
大斌請援即撥兵一千前往接應若他處復有求救  
者又撥兵援應似此各處派撥分投堵禦則大營即  
有多兵亦必所存無幾豈又將屢請添兵而不已耶  
常青恒瑞何漫無布置辦理錯謬若此俱著嚴行申  
飭看來該將軍等此時竟茫無主見一錯百錯於勦  
捕機宜竟不能得有把握增朕南顧之憂為令之計

該將軍等惟有遵照節次所降諭旨直赴諸羅藍元  
枚亦應自北而南與常青柴大紀會合一處全力搜  
捕庶期搗穴擒渠其餘黨夥無難殲盡該將軍等勿  
再株守坐待以致老師糜餉坐失事機自取重戾

上又諭內閣曰劉綏奏前准常青咨拏臺灣賊匪高文  
麟等供出從賊之各犯姓名開單移知令於沿海各  
港口嚴密堵緝當即飛飭各屬一體查拏茲查有福  
建來津之糖船內有水手趙榮林光二名與高文麟

等所供夥匪姓名相同隨訊該水手等據趙榮供我  
係同安縣人原名歐陽煥林光供我係彰化縣人原  
名魏寵其趙林二姓係造船時報官姓名歷年換照  
均係頂認並不添改原籍俱有住址親屬可問並有  
天津行舖人等見該水手到過天津十數次情願具  
結等因現飛咨閩督查照所供是否屬實再行核辦  
等語所謂愈細愈遠殊屬不成事體常青等一正賊  
未獲而用心於無用之地可笑可鄙今之大臣等行

事率多如此實增愧懣也且臺灣逆匪滋事其夥黨  
即或竄逸不過在廈門附近一帶海口潛匿斷無遠  
逾數省直至天津之理無論趙榮等係屬悞拏即或  
實係逸匪伊二人逃至天津又何能滋生事端況船  
戶等俱係身家殷實天津行鋪皆為出結更屬可信  
乃劉裁率行拘訊殊為失當此等船隻皆係裝載貨  
物投行售賣若如此混行查拏將來商販未免畏累  
裹足不前必至百貨騰貴於閭閻日用大有關係況

該督及天津道府等於所屬地方現有劉權之眷船被劫一事並未能將盜犯拏獲轉因數千里外閩省咨緝之案紛紛查究劉莪何不曉事至此著交部嚴加議處並將水手趙榮林光二名即行釋放不得再行拖累並曉諭該船戶等以此二人實係悞拏業經奉旨即行釋放該督亦治罪矣嗣後各安商業不必心存疑懼至常青現在勦捕賊匪於應行會合夾攻之處不能妥速前進乃於餘匪竄逸咨緝至數省之遠



徒滋煩擾實屬不知事體輕重著傳旨申飭常青既遠咨直省於海口查拏逸匪則浙江等省自己早有咨會並著李世傑琅玕於沿海各口峴止須飭屬密行訪拏逸匪遇有商船不得如劉綦之遇事搜求累及無辜以致商販聞風裹足

臣等謹按查拏逸匪固宜嚴密然累及無辜使商販畏懼不前更增地方之累天津所到糖船內有水手與逸匪姓名相同督臣劉綦即據咨查辦及

審明並非賊夥尚待行咨閩省核覆所辦實屬失當我

皇上降旨交部議處並令各省沿海口岨不得藉口拏匪過事搜求俾商賈不致望風裹足

聖天子明無不照緝暴安良務求其實故天下無倖逃之罪亦無不白之冤也

同日孫士毅奏言續調粵兵六千名內除預備貼防之二千名已于六月十三日全數俱入閩境其

常青續調之二千名內一千名現於七月初五初六兩日已抵閩境尚有三千名未經到潮內一千名已在途次約於七月十七八等日可以赴閩其最後添調之二千名係於七月初一日飛檄行調營分遠近不一自七月二十一日起定可陸續到潮即最遠之羅定協兵三百名七月盡亦可赴閩至駐防滿兵一千五百名係副都統博清額帶領計程七月二十日後亦可抵閩至需用船隻等

項經撫臣圖薩布與臣節次札商寬為預備滿漢官兵儘數乘坐省城經撫臣派督糧道吳延瑞護送至惠州所屬地方妥為照料臣復派惠潮嘉道圖畢赫迎至惠州所屬彼此交代加緊催趲斷可不致遲悞

同日閔鶚元奏言江西省運閩米石先經何裕城咨會已全由五福陸路運送經臣同督臣李世傑酌商川省之米由大江順流南下其來迅速且閩

廣等船向來秋冬間因北風較多來江南者甚少  
必需將現在陸續到來之船儘數截留以便俟川  
米一到即可次第配運並經關會浙省一體趕辦  
現准浙撫臣琅玕知會亦儘力截送來江以資濟  
運再江蘇省撥運米石分作二次趕運茲據松太  
道張銘等稟報頭運米五萬石業經於七月初七  
日自上海啟行臣一面飛移閩省督撫派員在泉  
州廈門查收並豫行移知浙撫臣通飭沿海汛地

一體撥護前進再第二運米石已據各州縣運赴上海所需船隻亦以次辦齊現在趕緊修舥盤交過載俟報到開行日期另行恭報奏入報

聞

二十一日

戌

上命軍機大臣傳諭李侍堯曰常青前值林爽文等滋事不法調遣將弁派撥兵丁及解送糧餉火藥等事亦尚有條理旋因黃仕簡任承恩貽誤軍機就近派

赴臺灣督辦彼時朕本不甚意滿及常青到彼鼓勵  
義勇撫卹難民及一切調撥頗覺井井有條朕心出  
於望外乃為之稍慰方以該將軍等為可倚恃足資  
委任數月以來節次奏到各摺屢次打仗雖未見出  
奇制勝大加勦洗尚無措置乖方錯悞顯然之處至  
昨日所奏魏大斌前赴諸羅應援至埔心庄遇賊未  
能前進常青聞信並不親領大兵會合進勦又僅派  
田藍玉帶兵一千前往接應似此零星派撥於事何

濟又將廣東庄義民留營助勦辦理錯謬無甚於此  
看來常青等此時毫無主見於勦捕機宜竟不能得  
有把握朕因此實增南顧之憂常青恒瑞二人俱未  
曾經歷軍務而恒瑞又復少不更事此時隨同常青  
辦理軍務恐其因職分相等又以身係宗室稍存矜  
貴習氣且未免有袒護滿洲兵丁之意於商辦一切  
事務未能和協亦未可定用兵全在主將和衷方能  
集事若各不相下心存意見以致諸事多有掣肘所



關匪細李侍堯現在駐劄廈門見聞較切且該督久  
任封疆受恩最為深重伊平日於該將軍等勦捕機  
宜原不應有所軒輊至現在常青等辦理諸務動多  
錯悞朕日夕焦急特行降旨詢問該督自應將常青  
與恒瑞有無意見不和彼此牽掣及該將軍等能否  
辦理此事可期完竣之處據實覆奏毋得稍存瞻顧  
再現已有旨令福康安速赴行在面授機宜令其前  
往臺灣更換常青督辦軍務但軍中屢易主帥亦非

所宜特恐常青等不能了結此事以致因循日久不克藏功轉不若及早更換尚可保全之為愈此實朕無奈之計也並著李侍堯酌量情形就其所見是否必須如此辦理一并據實速奏

上又命軍機大臣傳諭常青恒瑞曰常青等自駐劄府城止於桶盤棧一帶結營株守並未能勦殺多賊挪移尺寸之地而於諸羅請兵援救則派魏大斌前往及魏大斌請救又派田藍玉接應似此各處派撥分

投堵禦即再添兵一萬亦不敷爾等零星派往之用而爾等仍坐守郡城成何事體此係該將軍曾經具奏之事已如此錯謬不一而足其未經具奏者辦理失當之處恐更不知凡幾何以紓朕南顧之憂該將軍等此時於勦捕事宜處處失算不可不急思變計以收桑榆之效為今之計惟有遵照節次諭旨舍南趨北與柴大紀藍元枚會合一處以大兵全力擒拏賊首林爽文搗其巢穴勿再因循貽悞坐失事機以

致自干重咎此朕與爾等以救過之路不可不慎朕  
于用兵賞罰嚴明爾雖未經軍旅豈無聞見不可不  
知也

上又命軍機大臣傳諭劉綎曰現今福康安前來行在  
陛見俟其到熱河後即令帶領侍衛章京拜唐阿等  
由驛前赴臺灣督辦勦捕事宜所有需用車輛馬匹  
著劉綎先行預備並派出藩司梁肯堂妥為照料計  
福康安所帶侍衛章京拜唐阿等不過百人需用車

馬等項為數不多該督等務須妥協辦理毋得稍涉  
張皇致有擾累

二十二日亥

上諭內閣曰兵部奏福建省應行添設站夫未將道里  
遠近事務繁簡分別聲明難以懸議請勅交該督查  
明具奏一摺現在臺灣正在勦捕賊匪之時所有文  
報往來最為緊要自應酌量添設驛站以便迅速接  
遞朕早經想及未及降旨而李侍堯亦並未先行具

奏僅咨部辦理未免遲緩此時該省軍務繁多若俟  
來往行查更需時日所有福建省應行添設站夫即  
著照該督所咨辦理其各省驛站須有大員專司督  
辦直隸省著派梁肯堂山東省著派繆其吉江蘇省  
著派通恩浙江省著派歸景照福建省著派伍拉納  
照料查察毋致遲延貽悞

欽定平定臺灣紀畧卷二十六

欽定四庫全書

欽定平定臺灣紀畧卷二十七

七月二十三日

戊子

存泰圖薩布同奏言初四初五

兩日會同副都統

臣博清額柏廷翰傳集滿漢八

旗及水師旗營各駐防官兵逐加挑選共足一千

五百名察看各官兵年力俱屬強壯勇往必能出力

剿賊隨照例散給俸賞行裝鹽菜銀兩備足軍火器

械派定協領佐領防禦等官共三十三員分作四起

行走以三百七十五名為一起七月初七頭起自省  
啓行按日接連前進副都統臣博清額統領第四  
起官兵起程由水路晝夜兼行至龍川縣起岸過  
山仍由水路至潮從黃岡入閩境現在河水通達  
船隻便利迅速至官兵自省起程臣等督同藩司  
許祖京及府縣等親赴河干照料登舟至龍川起  
岸至清溪派委肇羅道阿章阿支給人夫隨路彈  
壓由清溪下船至潮州派委惠潮嘉道圖畢赫撥



給船隻接替護送仍飛咨督臣孫士毅照料出境  
其官兵日逐應需口糧俱飭各府州縣預備隨到  
隨發免致停留至此駐防各官兵應支分例先於  
司庫動項支給容俟彙案造報

同日圖薩布又奏言粵東所屬州縣地方民多濱  
臨洋海而附近省城沿海各隘口尤關緊要臣節  
次與督臣孫士毅檄飭文武慎密嚴查現在添調  
官兵赴臺協勦誠恐地方稍有疎懈奸匪乘機竄

逸臣現飭各州縣會同營汛於沿海隘口加緊巡查凡船隻收泊港灣遇有踪跡可疑其船戶梢水若非本處歇家行店素相認識難保無臺灣逸匪及洋面奸徒一經盤查得實即行拘拿解究務須不動聲色嚴密辦理使匪踪無所潛伏以靖海疆再與藩司許祖京酌商將庫貯上年潮屬解存穀價內洋錢十四萬九千餘兩撥出奏解將餉銀扣存司庫抵補穀價並於省城佛山二處市鋪公平

兌換湊足全數現在已將洋錢七萬八千圓於本月初六日委員先行批解起程此後趕緊易換定於本月內全行委解不致遲悞均奏入

上諭軍機大臣傳諭李侍堯孫士毅圖薩布曰臺灣與粵省毗連非江浙遼遠者可比保無有匪犯竄逸自應嚴密查拿但販貨商人俱係家道殷實豈肯藏匿匪徒自取重戾該督撫等遇有形跡可疑者必須留心盤詰若遇到口商船概行查訊則商販等聞風裹

金史卷之二十一  
卷二十七  
足將來商販不通百貨騰貴於閭閻民食大有關係  
着李侍堯孫士毅圖薩布飭屬不動聲色設法妥辦  
毋得紛紛悞拿徒滋擾累

二十四日

巳丑

上命軍機大臣傳諭李侍堯曰前據常青等奏叅將瑚  
圖里自山猪毛帶領官兵義民來營所辦錯謬之極  
已將常青恒瑞嚴行申飭令反覆思之常青等於此  
一事愈覺其辦理失當雖已諭令常青等將辦理錯

悞緣由傳旨曉諭義民令其速回本處自為守禦並  
令瑚圖里親自帶兵護送以安其心而勸來者但前  
降諭旨到彼尚需時日已恐無及若賊匪等乘義民  
遠離本庄已將其家屬房產焚劫殘燬以致義民等  
受累灰心并致他處義民聞風裹足不肯踴躍投効  
是皆由常青等措置乖張貽悞事機朕必當將常青  
等從重治罪著傳諭李侍堯將此事情形是否如此  
其意以為何如就其所見據實密陳此事勿得稍有

宣露令常青等聞知心懷疑懼更於事無益也

臣等謹按將軍常青等留廣東庄義民在營助勦並不先將願留之故奏明我

皇上以義民既留大營其本庄無人守禦必致遭賊擾害既嚴加申飭

指示其措置之乖方而猶慮及護送歸庄事或無及聖天子念切民依痼瘼在抱厥後粵庄義民始終出力不倦固因能知大義亦由感發而愈激其天良也

同日李侍堯奏言臺灣額征地丁庄租鹽課等項  
每年計銀五萬九千三百餘兩應行解司兵馬建  
曠扣缺養廉并文武各員借支各雜項每年又不  
下三四萬兩歷係扣存府庫劃充戍兵餉銀如上  
兩年奏銷之銀於下兩年請領兵餉內扣收以省  
彼此運解之煩著為成例上年臺灣請領五十二  
年分官兵俸餉養廉銀共一十七萬五千一百餘  
兩經署藩司李永祺照例劃扣司庫銀一十萬二

千五百餘兩飭令將收存府庫銀兩撥出支放在案茲據布政使覺羅伍拉納等詳稱前項存貯府庫銀兩故守孫景燧任內墊用無存兵餉不敷支放請先行給發臣查賊匪滋事係在上年十一月以後而本年臺灣兵餉應動支五十年完解之銀該年徵收銀兩業經奏銷全完實貯府庫並應行解司各雜項亦俱扣收在庫與本年官庄地畝賊匪擾害無可徵收者全不相涉乃據稱孫景燧任



內墊用無存其墊作何項係何員任內墊用並未有  
報案顯係虧空本應查明叅奏分別追賠但現當  
勦捕逆匪之時不使遽行查辦一面飛飭藩司將  
劃扣銀一十萬二千五百餘兩照數撥出委員迅  
解臺灣以備支放并令查明陣傷亡故未回兵丁  
按照出缺日期將餉銀扣貯府庫歸入下年支放  
之用仍飭將支放日期官兵花名清冊并扣除亡  
故兵丁名數造報查核以杜影射挪移情弊又泉

州府馬巷通判陸士鋐於該廳地方米船被竊並  
不上緊嚴拿盜犯任聽家丁差役私賣贓米及事

主認領又不全行給領請將陸士鋐革職奏入

上命軍機大臣傳諭李侍堯曰臺灣庫貯銀兩原存為  
兵餉支放之用且係五十年徵收錢糧實貯在庫  
之項與去歲冬底被賊滋擾官庄無涉何得稱墊用  
無存孫景燧在任釀成事端又復任意虧缺即應叅  
奏查辦乃該督請於事竣後再行辦理試思孫景燧

業已身故將來又復向何人查究乎現已降旨諭令琅玕將孫景燧原籍貲財嚴密查抄以抵官項至陸士錕當軍務倥傯之際並不嚴訪盜賊乃於商船被劫轉從中侵漁吞匿是不但因該商被盜乘人之隙肆行侵隱而且乘國家有事任意貪婪似此居心真與盜賊無異僅與革職不足蔽辜著李侍堯將陸士錕即行革職拿問仍計贓科罪至李侍堯現值閩省地方廢弛之時正當實力整飭乃於此二案辦理失

之寬縱若此殊屬非是著傳旨嚴行申飭用兵之際諸事宜嚴李侍堯不宜如此做好人也

上又命軍機大臣傳諭琅玕曰臺灣府庫貯兵餉等款銀兩係五十一年奏銷以前徵收錢糧實貯在庫與本年被賊擾累官庄無涉何得藉稱墊用無存明係孫景燧挪移虧空無疑孫景燧係臺灣知府平日於地方事務既漫無整頓以致釀成林爽文等糾眾不法肆行滋擾之事而於庫貯銀兩又復任意虧缺是

其侵漁歛怨激成事端不可因已被賊害而寬其罪  
使其家屬仍坐享豐厚著琅玕即將孫景燧家產查  
封以抵官項

同日李侍堯徐嗣魯同奏言本年應辦乾隆五十  
一年奏銷因臺匪林爽文滋事先准臺灣鎮道等  
以淡水諸羅鳳山彰化等廳縣被陷恢復倉庫款  
項必須逐一清查方可核實造報請俟勦匪事竣  
另行詳報而內地各案奏銷因逆匪尚未勦滅現

在進兵一切軍火銀米分派各屬辦運自上年至今各員或支應差務或碾運軍糧或稽查口岸均須親身經理而於盤查倉庫核造冊籍等事一時難以兼顧且司道等又隨同在泉州辦理接應軍需事務所有奏銷案內應造冊籍俱未能隨時核辦請將閩省應辦乾隆五十一年分奏銷各款展限兩個月其臺灣府屬各款仍俟勦匪事竣另行飭查造報俾得寬其時日庶辦理不致錯悞奏入

報

聞

二十五日

庚寅

李侍堯奏言現在粵浙等兵正當東

渡臣更擬多撥銀米火藥等項稱此兵船配渡之時委員隨同解往尤為妥協將來如更有續解銀米該二處既各有派往護防之兵船當亦不致疎失至就漳泉兩處募補兵丁二千名現在情願入伍者甚多不過旬日即可足數所有擬調之浙兵

二千已咨明浙省撫提二臣停止調遣再臺灣殉  
難各官或素係貪殘則殞命亦難贖釀禍之罪或  
尚稱廉謹則捐軀自當邀死事之褒事關勸懲未  
可草率現在留心細訪務得確實再行陳奏再查  
前調之閩兵二千粵兵二千目下已早到臺郡又  
續調之粵兵四千本日頭起五百名已到廈門其  
餘各起有路遠未能即到者准孫士毅札稱現在  
嚴催進發又浙省之駐防滿兵已據報於六月二十



六日起程粵省駐防滿兵雖未報起程日期大約  
本月下旬俱可到厦臣現在厦門料理自當令其  
隨到隨即登舟俾迅速前往至北淡水一帶近據  
同知徐夢麟稟稱逆首林爽文遣賊至彰淡交界  
之大甲溪等處滋擾副將徐鼎士已帶兵來援藍  
元枚亦遣守備潘國材帶兵由海路前來率同該  
處義勇於六月十八及二十一二等日連次接仗  
等語查所調漳州兵往藍元枚處者現已在途俟

粵兵到時再分撥二千前往則藍元枚處新舊官兵亦不為少現今常青藍元枚等多募義民鄉勇并從賊而自拔來歸者亦准食兵糧常青藍元枚等自必共相協力定可逐段推廓臣惟有料理糧餉寬裕解往俾足供支給不敢稍有缺悞奏入報

聞

二十六日

辛卯

上命軍機大臣傳諭常青恒瑞曰本日詢問常青賚摺

差弁饒成龍據稱將軍創營在小南門外十里之桶盤棧地方自五月二十四日以後與賊人打仗數次因賊人四路抵禦未能前進賊目莊大田所踞南潭距桶盤棧營盤只有五里等語常青等自駐創臺灣已經數月其桶盤棧營盤相距南潭不過五里該將軍等早應統領大兵將賊目莊大田先行勦除乃惟知結營自守似此肘腋之間任其逼處竟不思乘勢攻勦實不可解前以為南潭離大營尚遠故屢次諭

今該將軍等酌留官兵固守營盤親統大軍舍南趨  
北與柴大紀藍元枚會同進剿此時如尚未啟行該  
將軍等即行帶領官兵速將五里外南潭屯聚之莊  
大田痛加勦洗以清肘腋豈有近在數里之內而束  
手坐待之理且此次續調兵丁其粵兵二千昨據李  
侍堯奏業經配渡前往其餘浙粵官兵自己陸續到彼  
常青等正當乘其新到銳氣相機進取詎可曠日持  
久坐失事機

上又命軍機大臣傳諭李侍堯徐嗣曾曰前因臺灣勦捕逆匪需用軍糈且漳泉一帶地方缺雨恐米糧市價昂貴民情不無拮据已有旨諭令該撫查明妥辦並節經降旨於浙江江西江南四川湖廣等省派辦米共一百餘萬石令該督撫等迅速運閩接濟是閩省米石日逐充盈除應付軍糈之外儘有多餘漳泉二府如有缺雨成災處所該督撫務須詳悉查明一面奏聞一面即行督飭所屬妥為撫卹俾閭閻均沾

實惠無使一夫失所以副朕軫念民依至意

二十七日

壬辰

常青恒瑞同奏言南路之賊仍在南

潭一帶負隅不散顯係北路賊勢鴟張故敢有心

窺伺臣等於二十八日令侍衛烏什哈達等率同  
遊擊孫全謀並叅將瑚圖里管帶弁兵臺灣道永  
福亦派同知楊廷理守脩銜莊錫舍督率義民協  
同官兵前往搜捕由鯽魚潭至埔姜頭庄見賊數  
百向前追殺直至蜈蚣潭溝焚燬賊寨十數間當

有南潭賊匪三四千擁來官兵齊放鎗砲打死賊數十人殺賊十餘人賊遂敗退因該處溝徑崎嶇不便追趕隨即收軍奪獲賊械十餘件受傷委署驍騎校哈郎阿一員兵丁一名義民二名陣亡兵丁四名義民四名均各分別記功賞卹惟被賊冲散不知存亡兵丁十五名候查明另辦又接據駐守鹽水港遊擊楊起麟稟稱二十五日賊衆千餘由蘆竹坑來攻鹽水港商令守備黃象新帶領弁

兵義民由東北勢港壠堵截施放鎗砲打死賊百餘人餘賊敗走於各賊屍身搜出偽將軍封條又據柴大紀稟二十日賊匪攻縣兵民奮力抵禦打死賊數百人內騎馬賊目一人二十四日賊忽分攻四門督率將備分方堵禦鎗砲並施打死多人賊始懼退二十五日黎明賊匪擁衆攻環西北營盤大砲疊發打死騎馬賊目二人殲賊千餘人其餘賊匪冒死進攻官兵義民力戰至未刻稍退仍



遂屯未散四野積水泥濘未敢進勦申刻雷雨盆  
傾至戌刻賊始散歸各庄現在多方催覓熟識路  
徑之人連夜札調鹿仔草官兵前來協助至今尚  
未見回信各等情又諸羅縣知縣陳良翼稟稱逆  
匪聚衆八九千人於二十八日辰刻扛擡枋車上  
蒙濕綿被蜂擁圍攻西北兩門營盤東南兩門山  
頂各有匪衆六七百人遙為聲援即分撥僚屬守  
城親率各義民同將備弁兵往來禦敵施放鎗砲

賊匪鎗砲甚多抵死擁攻官兵義民奮力攻殺賊人退而復進者三次我軍用大砲轟擊碎其枋車數座打死賊二三百人北門打死騎馬賊目一人西門殺死賊目一人梟回首級至申刻賊始潰散官兵義民損傷數十人賊雖暫退差探尚欲糾賊攻城等語查諸羅一帶賊匪決旬不退柴大紀等既能固守又經屢次勦殺賊衆自不敢久逼圍攻但該縣係二十九日具稟是日遊擊田藍玉纔到

新店是以尚未得有該遊擊帶兵協助魏大斌之  
信臣等已三次嚴催魏大斌田藍玉等務即通知  
柴大紀迅速由鹿仔草起兵前進內外奮擊開通  
道路并已飭該道府添解餉銀火藥鉛子等項委  
妥員運往接濟又柴大紀及署縣陳良翼稟稱現  
在縣城四面道路田洋積水皆有逆匪阻絕遍插  
竹簽官兵難以行動積存文報不得遞送城中糧  
餉鉛藥存剩無多大砲鉛子隨時鑄造已用過一

萬三千餘斤現今鐵炭漸缺設法加意防禦二十  
五日賊目蔡福被砲打穿額頰傷重擡回打猫街  
二十八日賊目葉省被砲打中右腋扛回牛稠山  
斃命各庄民奔報屬實遊擊田藍玉稟稱鹿仔草  
由東邊往諸羅係埔心大崙等庄路被賊削小田  
水堵滿由南邊往諸羅係後寮一帶各路口亦是  
賊匪屯劄之所俱有蔗園深溝阻碍去路現與魏  
大斌妥酌分兵前往又據魏大斌稟初三日寅刻

同副將詹殿擢遊擊田藍玉等帶領官兵義民前  
赴諸羅行至半天厝見埔心大崙各庄賊匪突出  
約有數萬分路殺來遂令排列隊伍施放鎗砲打  
死賊匪不計其數內有騎馬賊一名但賊匪慙不  
畏死尚敢圍攏官兵義民奮勇力戰至未刻賊匪  
退聚各庄路口攔截官兵勢甚猖獗難以前進查陣  
亡兵丁一名義民一名受傷兵丁十二名義民十  
九名隨將隊伍收入鹿仔草營盤再商計策前赴

各等語臣等細閱各稟魏大斌已接柴大紀書函則彼此自可關會其賊目蔡福葉省若果被砲傷斃則賊勢亦應稍減惟是已抵鹿仔草之各官兵屢前復却皆因賊匪削小官路乘夏令多雨灌為水田又遍插竹簽以防官兵進勦為此困守諸羅之計殊屬狡惡但查鹿仔草距諸羅僅二十餘里若我軍并力奮勇能透過十餘里城內兵民亦奮力接應尚似可以打通且埔心大崙等賊庄在諸

羅西南一面十餘里之外並非四面圍住縣城若募熟識路徑之人無論水陸亦可間道疾趨期於必克臣等以柴大紀望援甚殷而該鎮將等設法應援自以兵多為善是以再行添派叅將特克什布張萬魁署都司邵振綱帶兵一千四百名并派令健銳營章京官保德成額協同前往即於初八日早仍配船由水道前抵鹿仔草並飭該鎮將等務即悉心籌畫彼此熟商或拚力直前或覓途馳

赴總期速達諸羅痛殲醜孽至續添之閩省兵二千名於六月十九二十一等日先到粵省兵二千名惟配渡兵八十五名船一隻尚未到來餘已於七月初七日齊到軍營再叅贊藍元枚統領北路官兵亦以僅能守禦不敷攻勦是以奏請添兵臣等俟請添各兵陸續到齊即相機前進一經擒獲賊首賊目即隨時馳奏不敢稍遲奏入

上命軍機大臣傳諭常青李侍堯藍元枚柴大紀曰賊



匪雖挖溝壕不過十餘里止係為自守之計並非險阻即官兵結營拒敵亦豈無溝壕自衛此乃行軍之常事常青等統領大兵何難督率兵民填平溝塹奮力攻擊況官兵勦賊即遇深溝高壘勁敵當前亦將奮勇爭先直前摧破豈有見此么膺草竊挖有溝壕即畏憊不進株守坐視之理南潭近在肘腋常青等自應先將莊大田等痛加勦洗不使負隅窺伺再行統領大兵直趨北路況續調兵丁業已陸續全抵大

營聲勢倍為壯盛今常青等接據柴大紀處請援之  
信始則僅派魏大斌帶兵千餘前往及魏大斌在鹿  
仔草被賊攔截又派田藍玉帶兵一千接應仍不能  
直抵諸羅似此零星派撥於事何益且常青等如見南  
路賊匪屯聚窺伺實有難以遠離郡城不能前往北  
路之處亦應將該處情形據實奏聞乃自駐劄臺灣  
以來業經數月既未挪移尺寸而於如何運籌決勝  
擒殺賊匪及定於何路進兵之處總未據奏報似此

株守因循何日可以集事耶柴大紀駐劄諸羅屢被賊人圍擾其勢甚為著重常青等早應親統大兵前往援應殲殺賊匪會合進剿況常青恒瑞俱在府城營盤即該處亦屬緊要不能一同前往若以一人留守以一人統兵前往諸羅援應有何不可豈伊二人必須同在一處不能分身耶賊目蔡福葉省既被官兵放砲打傷又擡回打猫牛稠等庄該處村庄若非賊黨則賊目受傷不應擡至彼處若該庄民人業經

從賊又不應赴官奔報乃賊目受傷既擡回各庄而庄民又以賊目傷重斃命奔報豈有賊與義民同居一庄之理若該庄民人並未從賊俱屬義民是該處即不應有賊匪屯佔何以魏大斌等帶兵到彼又復被賊攔截殊不可解究竟該庄民人是否賊黨抑係義民著常青等查明具奏

上又命軍機大臣傳諭長麟李世傑琅玕李侍堯曰現已令福康安前來行在陛見面授機宜前赴臺灣督

辦勦捕事務並已派海蘭察等先行帶領侍衛章京  
拜唐阿等分起由驛前往每起約二十餘人所有需  
用車輛馬匹著長麟李世傑琅玕李侍堯等即預為  
籌備並令前派出管理驛站大員幫同照料但此次  
四起侍衛章京等不過百人需用車馬等項為數無  
多該督撫等務須妥協辦理毋得稍涉張皇致滋擾  
累

同日何裕城奏言協濟閩米籌辦之始原定於五

福陸路轉運祇以該處溪河山路節節起駁肩挑  
惟恐不速擬照從前辦過成例陸海分運嗣准督  
臣李世傑咨覆始知江蘇亦有運閩之米海船不  
敷咨商浙省協濟臣恐運米到彼等候欲速轉遲  
隨將碾就之米十五萬石全由五福陸路運往該  
處先經爬沙挖淺多備竹筏小船魚幸上游得雨  
足資浮送又於旱路平治陡隘轉運尚覺迅速現  
在抵閩省光澤縣水口者已有六萬四千餘石其

餘接續運赴臣仍嚴切督催務令尅期竣事不致稍有遲緩再江西運閩米石計至九月初旬可以運竣所有湖北省運閩之米行抵五福水次之日適當江西運竣之時堪以接續轉運兩不相妨一面預飭各屬候湖北委員押米入境幫同悉心料理協力挽運一如江西運米成規不許稍存歧視再查閩省民人廣種番薯以代米穀江西向不廣種臣今春勸民廣為種植茲屆成熟之時收穫頗

豐已有成效臣思江西今歲麥禾二收俱屬豐稔  
尚不藉番薯為食臺灣現在用兵食口衆多番薯  
堪佐米穀之用隨陸續收買積有十萬斤於運米  
完後次日帶運前去交閩省督臣李侍堯查收酌  
用奏入報

聞

欽定平定臺灣紀畧卷二十七